

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA**

**Odbor za ekonomsku i razvojnu politiku,
finansije i budžet**

Broj: 02/11-02-638/19

Sarajevo, 01.04.2019. godine

**DOMU NARODA
PARLAMENTA FEDERACIJE BIH**

Na 2. sjednici Privremenog Odbora za ekonomsku i razvojnu politiku, finansije i budžet Doma naroda Parlamenta Federacije BiH održanoj 01.04.2019. godine razmatrane su sljedeće tačke dnevnog reda:

- 1. Prijedlog odluke o davanju prethodne saglasnosti za kreditno zaduženje JP "Elektroprivreda BiH" d.d. Sarajevo kod izvozno-uvozne banke Kine za Projekat izgradnje bloka 7 – 450 MW TE Tuzla,
- Prijedlog odluke o odobravanju Odluke o izdavanju garancije Federacije Bosne i Hercegovine u korist izvozno-uvozne banke Kine za kreditno zaduženje Javnog preduzeća "Elektroprivreda Bosne i Hercegovine" d.d. Sarajevo.**

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", broj 27/03) Privremeni Odbor za ekonomsku i razvojnu politiku, finansije i budžet podnosi Domu naroda sljedeći:

I Z V J E Š T A J

- 1. Prijedlog odluke o davanju prethodne saglasnosti za kreditno zaduženje JP "Elektroprivreda BiH" d.d. Sarajevo kod izvozno-uvozne banke Kine za Projekat izgradnje bloka 7 – 450 MW TE Tuzla,
- Prijedlog odluke o odobravanju Odluke o izdavanju garancije Federacije Bosne i Hercegovine u korist izvozno-uvozne banke Kine za kreditno zaduženje Javnog preduzeća "Elektroprivreda Bosne i Hercegovine" d.d. Sarajevo.**

Privremeni Odbor za ekonomsku i razvojnu politiku, finansije i budžet imajući u vidu značaj razmatranja i donošenja ovih Odluka obavio je detaljnu raspravu sa svim prisutnim predlagačima analizirajući sve do sada pristigle pozitivne i negativne argumente i razloge za odobravanje, odnosno neodobravanje navedenih Odluka.

Članovi Odbora posebnu pažnju posvetili su sadržaju Otvorenog pisma Sekretara Energetske zajednice od 26.03.2019. godine upućenog Bosni i Hercegovini kojem se izražava zabrinutost u pogledu usklađenosti državne pomoći s javnim

garancijama u korist izvozno-uvozne banke Kine za kredit koji se odobrava JP „Elektroprivreda BiH“ d.d. Sarajevo za finansiranje Projekta izgradnje Bloka 7-450 MW TE Tuzla sa pravnom stečevinom EU.

Članovi Odbora upoznati su i sa dopisom Federalnog ministarstva finansija kojim se potvrđuje da je u okviru svojih nadležnosti provelo potrebne analize i poduzelo aktivnosti kako bi se predmetna garancija uskladila sa relevantnim pravilima EU.

Na kraju, konačan stav o tome da li su Odluke, odnosno predmetne garancije Federacije Bosne i Hercegovine usklađene sa pravnom stečevinom EU, odnosno poglavljem Acquis-a o konkurenciji i Ugovoru o uspostavi energetske zajednice dala je nadležna institucija, tj Vijeće za državnu pomoć saopćenjima za javnost, gdje je istaknuto da je navedeni projekat u skladu sa Zakonom o sistemu državne pomoći u Bosni i Hercegovini i podzakonskim aktima.

Članovi Odbora upoznati su da je Predstavnički dom Parlamenta Federacije Bosne i Hercegovine na svojoj sjednici 28.02.2019. godine donio navedene Odluke.

Predsjednik Odbora, uzimajući u obzir pozitivna mišljenja, stavove i argumente svih prisutnih relevantnih predlagača i nadležnih institucija istakao je zadovoljstvo da se ovim historijskim projektom obezbjedjuje energetska stabilnost Federacije Bosne i Hercegovine.

Imajući u vidu navedeno, članovi Odbora će na sjednici Doma naroda Parlamenta Federacije Bosne i Hercegovine izložiti svoje stavove u vezi ovih odluka.

Za izvjestioca na sjednici Doma naroda ispred Privremenog Odbora za ekonomsku i razvojnu politiku, finansije i budžet određen je Aljoša Čampara, predsjednik Privremenog Odbora.

Predsjednik
Privremenog Odbora za ekonomsku
i razvojnu politiku, finansije i budžet

Aljoša Čampara, s.r.